

tor dil dazio dil vin sier Piero Orio qu. sier Bernardin el cavalier et Andrea di Udoni, haveno 18 e 6, sichè passò li due terzi di una ballota, cazete Domenego Boter et uno altro caratadori et li altri rimaseno, el qual Orio ha mala fama, usa grande erndeltà con tutti, fa stimar fino li cerchi, fa meter per l'ordinario una quarta de più per anfora contra el statuto; vadagnò dil passado ducati 14 milia.

A dì 4. La matina. Si levono tutte le galie di viazi de sora porto, Idio li doni bon viazo.

Da Milan, fo lettere di l' orator nostro, di

Vene l' orator di Franza, et portò una letera dil re in carta bona, in francese, scrive a la Signoria, dolendosi dil duca de Milan per la morte dil Meraveia *ut in eis*.

210* Gionse do grippi verso nona, vien de Candia con muscatelli, che sono stà molto tardi, et porta lettere de Candia et nova a di 13 avosto haver visto sora Cao Spartivento molte vele latine, si tien sia l'armata, vien de Spagna.

Da poi disnar, fo Conseio di X con Zonta, per trovar ducati 8000 per comprar canevi, et di ducati 16 milia prestò li Procuratori per comprar formenti, li fo obligà el trato de formenti et la imbodadura de Treviso. Hora fu preso, di primi danari de formenti tuor ducati 8000 et dil resto de formenti et imbodadura siano satisfatti ditti Procuratori di ducati 16 milia.

Fu proposto, per li Cai di X una parte stretta, che tuttè le gratie richieste per oratori overo signori, ancora fusse prese, siano de niun valor *ut in parte*, et sier Alvise Mozenigo el cavalier savio dil Conseio parlò in favor de la parte, dicendo è leze strete, qual fo trovade. Andò la parte, non fu presa perchè voleno sia exequite le parte.

El licentiato la Zonta, restò el Conseio semplice sopra uno presonier chiamato . . . per certa letera ducal rasata, et preso il procieder, fu preso che l'compia 6 mexi in prexon. Justo Maraboto.

Item, principiono a lezer un processo de alcuni di Chioza, i quali fono contrabandieri de vini et amazono uno oficial de uno capitano de le barche dil Conseio di X; ma l' hora era tarda et il primo Conseio se meterà el procieder et se expedirano.

A dì 5. La matina. Fo *lettere di Corfù, di 20, et dil Zante, dil Canal et proveditor dil Zante, et altre di Dalmatia*. Come dirò più avanti.

Da poi disnar, fo Pregadi, et lete assaissime let-

tere, per Nicolò di Gabrieli, da mar, et per Alexandro Businello, da terra.

Da Milan, fo lettere di l' orator, di primo.

Dil passar per Zenoa galie 18, va a levar el Pontefice.

Fu posto, per li Savi ai Ordeni et sier Zuan Barbarigo proveditor sora el Cotimo de Alexandria, una parte de chiarir quelli cargerano formenti et altre biave per quì non pagino altra angaria che il solito de l' intrar, de danari, *ut in parte*.

Fu posto, per li Savi dil Conseio, non era Trivixan et Emo, et Savi a Terra ferma, non era el Venier: hessendo intrà censor sier Ferigo Renier, deputato sopra le differentie di Oio, sia preso che sier Zuan Basadonna dotor et cavalier orator nostro a Milan, qual presto dia venir a repatriar, habi questo cargo, continuando li danari l' ha per spese di orator a Milan *ut in parte*. Ave 133, 6, 2.

Fu poi leto una suplication di uno Bernardin di Tosi da Castello, qual fo a la custodia de Padoa et se portò ben et per soi meriti li fo dato una banca di la becaria de Treviso, per tanto non havendo potuta haver rechiede la confirmation.

Fu posto, per li Consieri, che al ditto Bernardin di Tosi sia confirmà la dita gratia sichè l' habbi una banca in la becaria de Treviso *ut in parte*. Ave: 145, 9, 12.

Fu posto, per li Consieri, Cai di XL et Savii: hessendo venuto in questa terra Marco dal Borgo, fo fiol dil qu. Mathio capo di fanti, qual fo fiol de domino Andrea dil Borgo fo capitano nostro di le fantarie, per esser esperto, sia preso che li sia dato provision ducati 8 per paga a la camera di Brexa a page 8 a l' anno *ut in parte*. Ave: 145, 11 et 5.

Et licentiato Pregadi restò Conseio di X con la Zonta, et preseno quello si doveva lezer al Conseio in materia di Trento, *videlicet* le lettere scritte per sier Znàn Dolfin podestà di Verona al Conseio di X in materia di far acordo per via de composition etc.

Item, licentiata la Zonta, expediteno quei contrabandieri di Chioza, alcuni asolti, alcuni banditi di terre et lochi.

In questa matina, per Collegio, fo electi 3 caporali con 50 fanti per uno, vadino a Famagosta sora la nave de sier Fantin Corner, li quali sono Redolfo di Manerbe, Lodovico di Mantoa et il Prete di Ferrara.